

## THUTHLUNG PAHNIHTE CHU



**CHÂNGVAWN:** “Nimahsela chunglam Jerusalem chu zalên a ni a, chu ngei chu kan nu a ni,” (*Galatia 4:26, NIV*).

**SABBATH CHAWNÛ**

*AUGUST 26*

**Chhiar tûrte:** *Genesis 1:28; 2:2, 3; 3:15; 15:1–6; Exodus 6:2–8; 19:3–6; Galatia 4:21–31.*

**K**RISTIANTE zînga Thuthlung Hlui thuneihna hnâwltute chuan Sinai Tlânga Pathianin dân a pêk leh chanchin t̄ha hi thil inmil lo tak niin an hria a. Sinai Tlânga pêk thuthlung kha chu dân thu zawm avânga chhandamna hlawh chhuah theih a nih lai hun ent̄rna niin an sawi t̄hîn. Nimahsela Israel m̄te kha dânin a ph̄ut ang takin an nung thei ta si lo va, chvâng chuan Pathianin thuthlung thar a rawn siamsak ta a, chu chu khawngaihna thuthlung niin Isua Krista thil tihte azâra neih t̄ur niin an sawi t̄hîn bawk. Hei hi thuthlung pahnihte an hriatthiam dân chu a ni a: thuthlung hlui kha dân zawm t̄hat leh t̄hat lohah a innghat a, thuthlung thar erawh hi chu khawngaihnaa innghat ni ve thung niin an ngai.

Hetiàng hi Kristiante zînga a tam zâwk thl̄r dân ni mah se, thl̄r dân dik lo a ni tlat si. Chhandamna hi dân zawm t̄hat avânga chan t̄ur a ni ngai lo hrim hrim a; Bible-a Juda sakhaw zirt̄rna kan hmuh pawh hi a t̄ur a t̄ang rêng khân khawngaihnaa innghat a ni. Galatia Kohhrana Paulan a hmachhawn dân zawm

that avânga chhandamna hlawh chhuah theih ni âwma zirtîrna pawh hi Kristian sakhua kaih lekna ni mai lovin, dik lo taka Thuthlung Hlui zirtîrna kalpuina a ni tel bawk a. Hêng thuthlung pahnihte hi hun hran atâna a hranga pêk ni lovin, mihringte ngaihtuahna lanchhuahna mai a ni zâwk. Pathian pawh tum dân kawng pahnih awmte târlanna a ni a, chu chu Kaina leh Abela te hunlai ațang daiha ințan tawh a ni nghe nghe. Thuthlung hlui hian Kaina anga Pathian tihlâwmna hmanrua atâna thuâwihna hman tumtute a entîr a; chutih laiin thuthlung thar hi chuan Abela anga Pathianin a tiam tawh zawng zawngte ti tûra Pathian khawngaihnaa innghat pumhlûm țhakte a entîr ve thung a ni.

**SUNDAY**

*AUGUST 27*

### **Thuthlung inngahna bulte**

Mi tam tak chuan Galatia 4:21–31-a Paulan Israel-te chanchin kal tawha thil thlengte a hrilhfiahna hi Galatia Lehkathawna hriatthiam harsa ber lai niin an hria a. A chhan pawh hrethiam thei tûr chuan Thuthlung Hlui lehkhabeten an mi sawi leh thilthleng an târlante hriat chian a țul êm vâng a ni. He lai thu awmzia hi hrethiam thei tûr chuan Paula thil sawia a laimu ber, Thuthlung Hlui lehkhabu hrang hranga thupui pawimawh tak pakhat hriatthiamna neih phawt a ngai a, chu chu thuthlung chungchâng a ni.

“Thuthlung” tia an lehlin Hebrai thumal chu *berit* a ni a. He thumal hi Thuthlung Hluiah hian vawi zathum vêl dâwn a lang a, inremna emaw, thuthlung emaw a kâwk tlângpui. Kum za tam tak chhûng chu hmanlai Bible ram vêla chêngte leh hnam hrang hrang inkâra inlaichîna awm dân hrilhfiah nân thuthlung hi hman a lo ni thîn a. Chutianga thuthlung an siam chuan ran eng emaw ber an talh ngei thîn bawk. Chutianga ran an talh chuan thuthlungin a ken tel thutiamte bawhchhetu lamte chung a thil thleng tûr a entîr a ni.

“Adama aṭanga Isua thleng khân, Pathian chuan mihringte hi thuthlung thutiam chi hrang hrang hmangin a lo dâwr tawh thîn a, chûngte chuan Tlantu lo kal tûr chu entîrin, Davida thuthlungah khân a vâwrtâwp chu a lo thleng ta a ni (*Gen. 12:2, 3; 2 Samuela 7:12–17; Isaia 11*). Babulon sala tâng mêk Israel mîte hnênah khân Pathian chuan thuthlung thar awmze nei zâwk siamsak a tiam a (*Jer. 31:31–34*), chu chu Davida thlah aṭanga lo chhuak tûr Messia nêna inzawm a ni (*Ezek. 36:26–28; 37:22–28*).”—Hans K. LaRondelle, *Our Creator Redeemer* (Berrien Springs, Mich.: Andrews University Press, 2005), p. 4.

**Eden Huana chêng Evi leh Adama-te nêna Pathianin thuthlung a siam kha enga innghat nge a nih? *Genesis 1:28; 2:2, 3, 15–17.***

Innehna, kut hnathawh leh Sabbath te hi thil siam thuthlunga tel ve rêng chu ni tho mah se, a laimu ber erawh chu theirah ei phal loh ei lo tûra Pathian thupêk kha a ni a. A nihna takah chuan thuthlung awmzia chu “thu zâwm ula, tichuan in nung ang!” tihna a ni. Eden huan kha Pathian duh dân nêna inrema siam a nih tlat avângin amah Pathian pawhin thil theih miah loh chu ti tûrin a phût bîk lo. Thuâwihna kha mihringte nihphung ni sa ve rêng a ni a; mahse Evi leh Adama te khân an nih dân phung pângngai lo anga awm kha an thlang ta tlat a, chutianga an awm tâk avâng chuan thil siam thuthlung kha an tichhia ni mai lovin, sualin a tihkhawloh tawh mihringte tâna zawm theih rual lohah a chhuah ta bawk a ni. Amah Pathian ngei chuan Evi leh Adama ten an hloh tawh inlaichînna chu a rawn dân thar leh ta a. Chu chu chatuana ding reng Chhadamtu tîr a nih tûr thu thutiam (*Gen. 3:15*) behchhan khawngaihna thuthlung siamna hmangin a rawn hlen chhuak ta a ni.

**Bible-a chanchin ṭha thutiam kan hmuhna hmasa ber Genesis 3:15 hi chhiar la. Hemi châng a khawi laiah ber hian nge**

**Kristaa beiseina kan neih hi a thâwi deuha târlan a lo nih tawh le?** \_\_\_\_\_

**THAWHTANNI**

*AUGUST 28*

**Abrahama thuthlung chu**

**Genesis 12:1–5 chhiar la. Pathianin Abram hnêna thuthlung thutiam a siamte chu eng nge ni? Engtin nge Abram-an a lo chhân lêt ve?** \_\_\_\_\_

Abrama hnêna Pathian thutiamte hi Thuthlung Hlui lehkhabu-a thu ropui ber pakhat a ni a. Hêng chângte hi Pathian khawngaihna chungchâng sawina vek a ni a. Thutiam siamtu chu Abrama ni lovin Pathian zâwk a ni. Abrama khân Pathian lawm tlâk ni tûrin eng thil mah a ti lo va, he inremna siam thei tûr hian Pathian leh Abrama ten thil eng emaw an ti dûn ni âwma ngaih theihna tûr eng thu mah a awm lo bawk. Thutiam zawng zawng hi Pathianin a tih vek a ni a. Abrama kha chu Pathian thutiam nghehzia ring mai tûra koh a ni a, chu rinna chu rinna dawrâwm tak ni lovin (kum sawmsarih leh panga a tlin tawh hnua) chhûng leh khatte kalsan a, Pathianin a tiam ram lama kal chhuahna hmanga lan chhuahtîr tûr rinna a ni bawk a ni.

“Abrahama hnênah leh amah kaltlanga mihring zawng zawng hnêna puan ‘malsâwmna’ nêh khân Pathian chuan mihringte tlanna tûra ruahmanna a lo siam tawh chu a rawn thar thawh leh a. Paradis-ah khân Evi leh Adama te mal a lo sâwm tawh a (*Gen. 1:28, 5:2*), tui a lêt hnu khân Nova leh a fapate pawh mal a sâwm leh bawk (*9:1*). Hetiang hian Pathian chuan mihringte tlan a, sualna tiboral a, Paradis din thar lehtu tûr Tlantu tîrh a lo tiam tawh chu a rawn tifiah a (*Gen. 3:15*). ‘Mi zawng zawng’ malsâwm a tum thu chu a rawn nemnghet leh ta a ni.”—Hans K. LaRondelle, *Our Creator Redeemer*, pp. 22, 23.

**Thutiam fa a lo pian nân kum sâwm chhông a nghah tawh hnua Abram Pathian thutiam chungchônga zawhna a neihte chu eng nge ni? *Gen. 15:1-6.*** \_\_\_\_\_

---

Abrama kha rinna chak tak nei, zawhna leh rinhlelhna rêng rêng nei ngai miah lo anga ngaih a awl khawp mai a. Amaherawhchu, Pathian Lehkhabu hi chuan chutiang mi chu niin a sawi lo tlat. Ni e, Abrama khân Pathian thutiam chu a ring ngei alâwm; mahse zawhna eng eng emaw chu a nei ve tho a ni. A rinna kha rinna thang lian chho mêk kan tih ang hi a ni a. Marka 9:24-a ramhuai pây naupang pa ang deuh khân, Pathian hnêna a thil sawi pawh hi a nihna takah chuan, “Ka rin lohnaa hian min tanpui rawh” a tihna a ni (*Gen. 15:8*). Chutah Pathian chuan khawngaihna nêna a rawn chhông ta a, amah nêna thuthlung siamin a thutiamte nghehzia chu a hriattîr ta a ni (*Gen. 15:7-18*). He lai thu hi a makna êm êm chhan chu Pathianin Abraham thu a thlunpui ta hi ni lovin, thuthlungin a ken tel thutiamte tipuitling tûra inphahniam a inhuam êm êm mai zâwk hi a ni. Hmanlai Bible ram vêla rorêltu, an chhiahhlawhte hnêna an tihhlawhtlin tak tak tûr ni hlei lo thutiam eng eng emaw siam chîngte ang lo takin Pathian chuan ama nunna ngei chhâlin thu a tiam a, chu chu ran talhin a entîr zui bawk. A thutiam chu a taka chantîrin Kalvari-ah khân a nun a lo hlân ta nge nge rêng bawk a ni.

**Eng laiahte nge rinnaa i pên chhuah a, thil ni thei miah lo tûr nia lang pawh i rin tlat a tûl le? Engtin nge i rinna chu i vawn ngheh tlat theih ang?**

**THAWHLEHNI**

*AUGUST 29*

**Abrahama, Sari, leh Hagari**

**Eng vângin nge Paula hian Hagari chung a thil thlang kha a hnualsuat êm êm le? *Gal. 4:21-31, Genesis 16.* He thawnthu**

**aṭanga chhandamna chungchâng sawi chhuah a tum chu eng nge ni?**

---

---

Genesis-a Hagari chanchin kan hmuh dân hi Abraman Pathian thutiam a rin zawh lohna nêh a inzawm tlat a. Amah hi Aigupta mi, Abrama bâwih a ni a, Sari thleng nân Faroan Abrama hnêna thil tam tak a pêkte zînga pakhat ni ve maithei (*Gen. 12:11–16*).

Abrama leh Sari te kha thutiam fa a lo pian nân kum sâwm zet a nghah hnuah pawh fa nei lovin an la awm reng mai si a. Chutichuan Pathianin anmahni ṭanpuina a mamawh ve nia ngaiin Sari chuan a bâwihnu Hagari chu Abrama hnêna mu tûrin a hrilh ta a. Tûnlai mîte ngaihah chuan thil mak tak ni mah se, Sari ruahmanna hi a fîng angreng viau a ni. Hmanlai mîte dânah chuan, bâwihnuten fa nei thei lo an pi-te fa an hrinsak thei a. Chuvângin a pasal leh Hagari te laka piang chu ama fa ang chiahah a ngai thei dân tho a ni. A ruahmanna chu hlawhtlingin nau pawh chu a lo piang ta ngei a; mahse Pathianin a tiam erawh kha chu a ni si lo.

He thawnthu aṭang hian Pathian mi ropui tak takte meuh pawh hian hun khirh tak an tawh châng chuan rinna an tlachham ve tho mai tih kan hre thei âwm e. Genesis 17:18, 19-ah hian Abraham a chuan Ismaela chu a roluah tu atâna pawm mai tûrin Pathian a ngen thu kan hmu a; mahse Lalpa chuan a pawm lo. Ismaela lo pian theihna tûra “thil mak” awm chhun chu hmeichhe dang mutpui tûra Sarain a pasal a tîr kha a ni! Hagari laka Ismaela lo pianna kawngah hian thil nihphung pangngai bâka thleng engmah a awm lo va, “tisa dân anga” piang ve mai a ni. Abraham a hian Pathian thutiam kha ring ngam ve mai ni se chu hetiang thil hi a thleng lo tûr a ni a, lungngaihna tam tak thleng tate pawh kha pumpelh theih a ni ngei bawk ang.

**Ismaela lo pian dân leh Isaka lo pian dân te hi khaikhin la *Gen. 17:15–19; 18:10–13; Heb. 11:11, 12.* Isaka lo pian theihna tûr hian eng vângin nge Abrahamama leh Sari te khân rinna an mamawh êm êm le?** \_\_\_\_\_

---

**Engtiang kawngtein nge Pathian thutiamte i rin ngam lohna khân hrehawm eng emaw a tawrhîr ve tawh che? Chutianga i lo tihsual tawhte aţang chuan engtin nge Pathian thu chu âwih mai a ţa zâwk tih i zir chhuah theih ang? Pathian thutiamte i rin ngheh deuh deuh theih nân eng duhthlannate nge siam theih i neih?** \_\_\_\_\_

---

**NILAINI**

*AUGUST 30*

**Hagari leh Sinai Tlâng (*Gal. 4:21–31*)**

**Pathianin Sinai Tlânga a mîte nêna thuthlung leh inlaichîna din a tum kha eng ang nge ni? Pathianin Abrahamama hnêna thu a tiam nên khân eng nge inanna a neih neih? *Exodus 6:2–8, 19:3–6; Deuteronomi 32:10–12.***

Pathian chuan Abrahamama hnêna thuthlung inlaichîna a pêk ang kha Sinai Tlâng bulţhuta pungkhâwm Israel mîte hnênah pawh pêk ve leh a duh a. Dik tak pheh chuan Pathianin Abrahamama hnêna thil a sawite (*Genesis 12:1–3*) leh Mosia hnêna a sawite (*Exodus 19*) hi a inanna lai a tam hlê. A khawi ve ve-ah pawh hian Pathian chuan a mîte tâna thil tih a tumte chu a sawi uar ber a ni a. Israel mîte kha a malsâwmna hlawh chhuak tûr thil eng emaw tih intiam tûrin a hrilh lo va; chûng malsâwmnate chu an dawn tâk avânga a thu zâwm mai tûrin a hrilh zâwk a ni. *Exodus 19:5*-a “zawm” (to obey) tia Sap ţawng Bible tam zâwkin (e.g., KJV, NKJV) an lehlin hi a Hebrai thumalin a kawh tak chu “ngaithla” tih a ni a, Mizo Bible hian a let chhuak dik chiah a ni. Pathian thute hian thil tih ţat hmanga felna hlawh chhuah sawi lo va. Chuti ahnehin, Pathian

chuan a mi Israel-te kha a thutiamte chhâng tûra Abrahaman rinna a neih ang kha nei ve tûrin a duh a ni zâwk.

**Sinai Tlânga Pathianin Israel mîte pêk a tum thuthlung inlaichînna kha Abrahamana hnêna a lo pêk tawh nên thuhmun reng a nih chuan eng vângin nge Paula hian Sinai tlâng chu Hagari thil tawn ța lo tak nên khân a sawi zawm tlat si? *Exod. 19:7–25; Heb. 8:6, 7.***

Sinai Tlânga din thuthlung kha mihringte sualzia tilang tûr leh a tihdam nâna Pathian khawngaihna sânzia hriattîrna atâna pêk a ni a, chu chu biak bûk rawngbâwlnate khân an entîr bawk. Sinai Tlâng thuthlung a kal tuan tâk lohna chhan kha chu Pathian lamah fel lo eng emaw a awm vâng lam ni lovin, Israel mipuiten thutiam dik lo an tiam vâng zâwk a ni a (*Heb. 8:6*). Inngaitlâwm tak chung leh rinna nêna Pathian thutiam chu chhâng lêt ta mai lovin, mahni inring tâwk takin, “LALPA sawi zawng zawnge chu kan ti zêl ang e” tiin an chhâng a nih kha (*Exod. 19:8*). Aigupta sala kum zali chuang zet an tân hnu kha chuan Pathian ropuizia hriatna dik tak pawh an nei tawh lo va, anmahni sualna thûkzia pawh an hmu thei tawh bawk hek lo. Abrahamana leh Sari ten anmahni duh dâna Pathian thutiamte tihhlawhtlin an lo tum ve ngawt ang chiah khân, Israel mîte pawhin Pathian khawngaihna thuthlung chu thil ța tih avâng a chhandamna hlawh chhuah tumna thuthlungah chhuah an tum a. Hagari khân Sinai tlâng a thil thleng hi entîrin, mihringte thil ța tih hmanga chhandamna hlawhchhuah a tum țin dân a pho lang a ni.

Paula hian Sinai Tlâng a pêk dân kha a ța lo tiin emaw, tihbân a ni ta tiin emaw a sawi lo va. Galatia khuua mi ținkhatten dân nihna dik tak an hre sual tlat mai kha a vei ber chu a ni zâwk. “Dân zawm țin avâng a Pathian lawmzâwng nih theih a nih loh chianzia hriatna atâna hmang ta lovin, Pathian tihlâwm nâna mahni theihnaa innghah tumna an neih phah ta hlauh zâwk a. Chuvâng chuan dân pawhin Juda sakhuaa



inlet tûra Jentail-te kar chînggho (Judaizers) pawh Krista lamah a hruai thei ta lo rêng a; hruai a hnehin kawng a khârsak ta zâwk nghe nghe a ni.”—O. Palmer Robertson, *The Christ of the Covenants* (Phillipsburg, N.J.: Presbyterian and Reformed Publishing Co., 1980), p. 181.

NINGÂNI

AUGUST 31

### **Tûnlai huna Ismaela leh Isaka**

Paulan Israel hnam chanchin kal tawh tlêm azâwng a han sawi zauhna chhan chu Abrahamama thlah dik tak nia inngai a, Jerusalem chu Juda Kristiante hmunpui a nih bâkah, dân pawh an nu ber nia ngai tlattute ãanna dik lohzia tihlan a duh vâng a ni a. Hênggho hian Jentail-te chu fa tak ni lo (sâwn) an ni a; Krista zuitu dik tak nih an duh a nih chuan serhtanna hmangin Abrahamama fa an ni hmasa zet tûr a ni an ti a.

Thu dik chu hemi letling chiah hi ni zâwkin Paula chuan a sawi a. Hêng dân châwi vâwngtute hi Abrahamama fate ni lovin, Ismael ang bawka fa tak ni lote an ni zâwk. Serh tan an ngai pawimawh êm êm mai hian Sarin Hagari chung a thil a tih leh Sinai tlânga Israel mîten Pathian dân zawm an intiam ang deuh khân “tisaa” an inngahzia a tilang Chiang hle a. Jentail ringtute erawh hi chu dân pangngai ang ni lovin, Isaka ang deuh bawk khân mak danglam taka Abraham fa dik tak lo ni ta an ni zâwk a ni. “Isaka ang bawk khân hêng mîte pawh hi Abrahamama hnêna thutiam tawh tihhlawhtlinna a ni a. . . ; Isaka ang bawk khân zalêna an lo nei ta pawh hi Pathian khawngaihna vâng a ni a; Isaka ang bawkin thuthlung thutiam neitute an ni ve a ni.”—James D. G. Dunn, *The Epistle to the Galatia* (London: Hendrickson Publishers, 1993), p. 256.

**Abrahamama thlah dik takte chuan he khawvêlah hian eng thil nge an hmachhawn dâwn?** *Galatia 4:28–31; Genesis 21:8–12.*

---

Thutiam fa a nihna hian Isaak kha malsâwmna chauh ni lovin, dodâlna leh tihduhdahnate pawh a thlensak ve tho a. Paulan tihduhdahna chungchâng a sawi hian a rilru-ah Isaka chawimawia a awm a, Ismaelan a lo nuihsawh vêl lai kha a mitthlaah a lo lang a (*Genesis 21:8–10*). Genesis 21:9-a “nuihsan” tih hi a tawngbul lamah (Hebrai) chuan “nui” tihna mai a ni a; mahse Sari hi chuan a fapa Isaka nuihsawhah a lo ngai tlat niin a lang. Ismaela khawsa zia hi keini tân pawimawhna vak awm âwmin lang lo mah se, chhûngkuua ro khâwmtu zâwk nih inchuhna a lo thlena kan awm dân Chiang takin a pho lang a. Hmânlai lalte zînga tam tak kha chuan an dinhmun sawh ngheh sauh sauh an duh avângin amahni rawn dodâl theite mai bâkah, an pianpui unaute ngei pawh a tihlum hmiah mai thîn a (*Rorêltûte 9:1–6*). Isaka khân dodâlna chu a tâwk ngei mai tak a; mahse hmangaihna, vênhimna leh duhsakna a dawn mai bâkah, a pa ro khâwmtu tûr pawh a ni tho bawk a ni.

Thlarau lama Isaka thlahte kan nih avângin harsatna leh dodâlna kan tuar thîn dawn a, a châng pheih chuan kohhran chhûng aţang ngei pawhin kan tuar bawk ang.

**Engiang kawngtein nge i rinna avâng khân nangma laina hnai ber berte aţangin tihduhdahna i lo tawh ve tawh le? Nangmah ngei pawh khân mi tute emaw an rinna avânga tihduhdah leh hmuhsit i lo nei ve tawh em? Ngun takin ngaihtuah zui ang che.**

**ZIRTÂWPNI**

*SEPTEMBER 1*

**Ngaihtuah zui tûr:** Ellen G. White-i lehkhabu, *Thlahtubulte leh Zâwlnete* phêk 426-441, “Dân leh Thuthlungte,” chhiar ni se.

“Abrahama hnêna thuthlung a siamah khân tlanna thutiam chu a awm tawh a nih si chuan eng vângin nge Sinai tlângah khân thuthlung dang siam leh kher a nih le? Sâla an tân chhûng khân Israel mîte chuan Pathian leh Abrahama thuthlung dânte hriatna nasa takin an hloh hman tawh atin a ni. . . .

“Pathian chuan Sinai tlângah a hruai a; chutah chuan a ropuina a hmuhtîr a; a dân a pe a, chu dân chu an zâwm a nih chuan malsâwmna tam taka vûr a tiam bawk: ‘Chuvângin ka thu in ngaihthlâk tak zet a, ka thuthlung hi in pawm chuan . . . kan tân puithiam chi, hnam thianghlim in ni ang’ tiin. Exodus 19:5, 6. Israel mîte hian anmahni thinthlung sualzia leh Krista tel lo chuan Pathian dân hi zawm theih a nih lohzia an hre lo va, chuvâng chuan Pathian thuthlung siam chu an pawm thawt thawt a. . . . Nimahsela chawlhkâr rei vak lo hnu-ah Pathian nêna thu an thlun chu bawhchhiain milem siam chawp chu chibai an bûk leh ta mai mai si a ni. An bawhchhiat tâk thuthlung kaltlang kha chuan Pathian lawm tlâk nih an inbeisei thei tawh lo va; an sualna leh ngaihdam ngai an ni tih an inhriat tâk avângin Abraham a thuthlungin a puah chhuah Chhandamntu an mamawhzia leh chumi entîrtu hâlral thilhlante pawimawhna chu an lo hre ta bawk. Tûnah chuan rinna leh hmangaihna avângin Pathian chu sual bâwih nihna aţanga anmahni chhanchhuaktu-ah an lo pawm thei ta a, thuthlung thar malsâwmnate pawh a hlutzia an lo hrethiam ta bawk a ni.”— Ellen G. White, *Thlahtubulte leh Zâwlneite*, pp. 438, 439.

### Sawi ho tûrte:

- ❶ **LALPA nêna in lên dunna kha “thuthlung hlui” ang nge a nih a, “thuthlung thar” ang zâwk? Engtin nge a danglam dân i sawi theih ang?**
- ❷ **In kohhran chhûnga buaina thlentu thil hrang hrangte chu eng nge ni? Engtin nge chin fel mêk a nih? “Tihduhdahna” tuartu niin i inngai a ni maithei a, chutih rual mi dangte tihdahdahtu i nih loh nân engtin nge ʔan i lâk ang? (*Mat. 18:15–17* en la.)**
- ❸ **LALPA hnênah eng emaw tih tawh loh i intiam a, mahse chûngte chu i tih leh tho si ʔhin châng a awm em? Chu chuan khawngaihna awmzia hrethiam thei tûra a ʔanpui dân che sawi rawh.**

**KHAIKHÂWMNA:** Hagari, Ishmaela leh, Israel fate chanchin hian Pathian thutiamte chang tûra mahni thiltihte rinchhan a âthlâkzia a lantîr a. Hetianga mahni theihnaa felna hlawhchhuah tumna hi “thuthung hlui” tia sawi a ni. Thuthlung thar chu khawngaihna thuthlung niin Evi leh Adama te suala an tlûk hnu khân din nghâl a ni a, Abrahamah hnênah khân thar thawh leh niin, Kristaah tihfamkim a rawn ni ta a ni.